

Statuts

UNIUN GRISCHUNA
D'ART

I. NUM, SEDIA ED INTENT

Art. 1 Num, sedia

1.1 Sut il num «Uniun grischuna d'art» exista in'uniun en il senn da l'art. 60 ss. CCS cun sedia a Cuira. L'uniun è vegnida fundada l'onn 1900.

1.2 Ella è ina secziun da la Societad svizra d'art.

Art. 2 Intent

2.1 L'Uniun grischuna d'art ha l'intent da svegliar e da promover en il chantun l'interess per l'art figurativ en sia diversitad mediala.

2.2 En il rom dal contract concludì cun il chantun Grischun sco proprietari dal Museum d'art dal Grischun a Cuira organisescha l'Uniun grischuna d'art exposiziuns d'ovras da l'art figurativ.

2.3 L'Uniun grischuna d'art organisescha occurrenzas sco prelecziuns, referats, viadis d'art ed excursiuns e maina la butia ed il café dal museum.

II. COMMEMBRANZA

Art. 3 Commembradi

Commembras e commembers da l'uniun pon daventar persunas natiralas e giuridicas.

Art. 4 Categorias da commembradi

Igl existan las suandantas categorias da commembradi:

- commembras singulas e commembers singuls
- pèrs
- artistas ed artists
- giuvenils e giuvens creschids fin il 29avel onn da vita cumplenì
- faaturas: persunas privatas
- faaturas: interpresas
- vischnancas
- commembras e commembers d'onur

Art. 5 Commembranza per vita duranta

La commemoranza per vita duranta po vegnir acquistada cun ina contribuziun unica.

Art. 6 Dretgs

6.1 L'entrada a las exposiziuns ed occurrenzas spezialas organisadas da l'Uniun grischuna d'art è per las commembras ed ils commembers gratuita u reducida.

6.2 Las commembras ed ils commembers profiteschan d'ina entrada gratuita en tsherts museums e tshertas salas d'art en Svizra. La glista vegn actualisada mintg'onnn.

6.3 Las commembras ed ils commembers survegnan in rabat sin publicaziuns da l'Uniun grischuna d'art (excepziuns èn pussaivlas).

Art. 7 Extrada

7.1 L'extrada da l'uniun è da communitgar en scrit al secretariat. Igl è da tut temp pussaivel d'annunziar l'extrada. Ella entra dentant en vigur pir la fin da l'onnn suandant. Uschè ditg è era da pajar la contribuziun da commember.

7.2 Commembras e commembers che extreschan n'han nagin dretg a la facultad da l'uniun.

III. MEDS

Art. 8 En general

L'Uniun grischuna d'art finanziescha sias activitads cun

- contribuziuns da commembradi
- contribuziuns da fundaziuns a projects
- daners da sponsurs e donaziuns
- contribuziuns dal maun public a projects
- entradas da las visitas dal museum e da las occurrenzas
- entradas da la butia e dal café dal museum
- provisiuns tras la vendita d'ovras d'exposiziuns e la vendita d'ediziuns

Art. 9 Contribuziuns da commembradi en particular

9.1 La contribuziun annuala per las singulas categorias da commembradi vegn fixada mintg'onn da la radunanza generala.

9.2 Las commembras ed ils commembers d'onur èn liberads da l'obligaziun da pajar contribuziuns.

Art. 10 Responsabladad

La responsabladad persunala da las commembras e dals commembers da l'uniun è esclusa. Per las obligaziuns da l'uniun stat buna exclusivamain la facultad da l'uniun.

IV. ORGANISAZIUN

Art. 11 Organs

Ils organs da l'uniun èn:

- la radunanza generala
- la suprastanza
- il secretariat
- las revisuras ed ils revisurs da quints

Art. 12 La radunanza generala

12.1 La radunanza generala ordinaria ha lieu ina giada l'onn il pli tard sis mais suenter la fin da l'onn da gestiun.

12.2 L'invit en scrit cun la glista da tractandas è da trametter almain 30 dis avant la radunanza generala.

Propostas da las commembras e dals commembers per mauns da la radunanza generala ston vegnir communitgadas a la suprastanza en scrit almain 14 dis avant la radunanza generala. Propostas che entran pli tard ston vegnir discutadas a la radunanza generala, ma ina decisiun en chausa po vegnir prendida pir a chaschun da la radunanza generala suandanta.

12.3 Radunanzas generalas extraordinarias vegnan convocadas sin decisiun da la suprastanza u sch'in dieschavel da las commembras e dals commembers giavischa quai; ina dumonda correspundenta cun indicaziun dals motivs sto vegnir inoltrada en scrit.

12.4 La radunanza generala vegn manada da la presidenta u dal president, da la vicepresidente u dal vicepresidente u d'ina persuna nominada da la suprastanza. Las tractativas vegnan protocolladas.

12.5 La radunanza generala ha las suandantas cumpetenzas:

- eleger las 5 fin 9 persunas che fan part da la suprastanza per la durada d'uffizi da trais onns; il temp d'uffizi da las supstantas e dals supstantants è limità a totalmain 12 onns
- eleger entaifer las commembras ed ils commembers da l'uniun duas revisuras u dus revisurs da quints per la durada d'uffizi da trais onns
- approvar ils rapports da gestiun ed il quint annual e distgargiar la suprastanza
- fixar las contribuziuns da commember
- decider davart las propostas da las commembras e dals commembers tenor l'art. 12.2
- nominar las commembras ed ils commembers d'onur
- midar ils statuts da l'uniun
- schliar l'uniun

12.6 Mintga commembra e mintga commember ha ina vusch. Las decisiuns ed elecziuns succedan a moda averta. I vala la maiortad absoluta da las commembras e dals commembers da l'uniun ch'èn preschents; la vusch da la presidenta u dal president vegn resguardada e decida en cas da paridad da las vuschs. Per decider davart la schliaziun da l'uniun basegni la maiortad da dus terzs da las commembras e dals commembers da l'uniun ch'èn preschents.

Art. 13 La suprastanza

13.1 La suprastanza represchenta l'uniun vers anora. Ella s'occupa da tut las fatschentas che n'èn betg resalvadas a la radunanza generala. Ella redigia per mauns da la radunanza generala in rapport da gestiun e preschenta ad ella il quint per controlla ed approvaziun.

Ultra da quai è ella surtut responsabla per

- il program d'exposiziun proponì da la direcziun artistica
- il budget annual
- la gestiun da la butia dal museum en cunvegna cun la direcziun artistica
- la gestiun dal café dal museum en il rom da la cunvegna tranter il chantun Grischun e l'Uniun grischuna d'art
- l'elecziun da sia represchentanza en la Fundaziun collecziun d'art dal Grischun; l'elecziun succeda per la durada da trais onns cun ina limitaziun d'uffizi da 12 onns
- la delegaziun d'ina commembra u d'in commember a la radunanza da delegadas e delegads da la Societad svizra d'art
- il relasch da reglaments
- l'elecziun da la direcziun dal secretariat

13.1 La suprastanza sa constituescha sezza.

Ella po furmar ressorts, comités e cumissiuns per incumbensas particularas e delegar a quels singulas da sias incumbensas. Ils ressorts, ils comités e las cumissiuns suttastattan a la suprastanza.

13.2 La presidenta u il president ha ensemen cun in'ulteriura commembra u in ulteriur commember da suprastanza, cun la direcziun artistica u la direcziun dal secretariat il dretg da dar la suttascripziun collectiva en dus giuridicamain valaivla.

13.3 La suprastanza sa raduna sut l'egida da la presidenta u dal president a tantas sedutas sco necessari per exequir las fatschentas, ma almain a quatter ad onn. La direcziun dal secretariat e la direcziun artistica participeschan a las sedutas da suprastanza cun vusch consultativa.

Per prender in conclus sto esser preschenta ina maioritad da las commembras e dals commembers. La suprastanza concluda cun la maioritad simpla da las commembras e dals commembers preschents. En cas da paritad da las vuschs ha la presidenta resp. il president u la parsura resp. il parsura la vusch da tagl. Sche nagina commembra e nagin commember da suprastanza na pretendan che la fatschenta vegnia deliberada a bucca, è il conclus valaivel sin via circulara (era per e-mail).

Art. 14 Las revisuras ed ils revisuras da quints

Las revisuras ed ils revisurs da quints controlleschan il quint annual da l'uniun; els dattan rapport e fan ina proposta per mauns da la radunanza generala.

V. SCHLIAZIUN

Art. 15 En cas che l'Uniun grischuna d'art vegn schliada, va la facultad a la Fundaziun collecziun d'art dal Grischun.

Quests statuts remplazzan ils statuts da l'Uniun grischuna d'art dals 10 da zercladur 2015. Els èn vegnids approvads a la radunanza da l'uniun dals 20 da zercladur 2022 ed èn entrads en vigur immediat.

Cuira, ils 20 da zercladur 2022

il president

Thomas Spielmann

la vicepresidenta

Alda Conrad-Lardelli